

Broj: 78/26

Sarajevo, 20.02.2026. godine

PREDMET: Zahtjev za dostavu ponuda za nabavku i isporuku steonih junica

Poštovani ponuđači,

Muslim Aid Association poziva ponuđače da dostave svoju ponudu za nabavku i isporuku steonih junica za potrebe projekata za 2026. godinu, a u skladu sa tehničkom specifikacijom koja je data u nastavku ovoga zahtjeva.

1. Predmet javnog poziva

- 1.1. Predmet javnog poziva: izbor najpovoljnijeg dobavljača za nabavku i isporuku 48 (četrdesetosam) steonih junica za realizaciju projekata stočarstva u 2026. godini.
- 1.2. Rok nabavke i isporuke steonih junica: 40 kalendarskih dana od dana isporučivanja Narudžbenice
- 1.3. Mjesto isporuke: područje Bosne i Hercegovine (Grad Zavidovići, Grad Bihać i Opština Bratunac). Kupac steonih junica će naknadno dostaviti lokacije/adrese odabranih korisnika projekta.
- 1.4. Količina potrebnih grla steonih junica: 48 steonih junica.
- 1.5. Rok važenja ponude je tokom cjelokupnog perioda trajanja projekta/do kraja 2026. godine.

2. Tehnička specifikacija

Dostavljena grla moraju imati sljedeće tehničke karakteristike:

- a) steone junice pasmine Simental, porijeklo Njemačka,
- b) steonost (bremenitost) steonih junica je između 5 i 7 mjeseci i za to moraju imati potvrdu ovjerenu od strane veterinara,
- c) steone junice moraju biti minimalne tjelesne težine od 550 kg,
- d) steone junice moraju biti starosti do maksimalno 26 mjeseci i osjemenjene sa najmanje 14 mjeseci starosti,
- e) steone junice moraju imati karantinski nadzor propisan Zakonom o veterinarstvu u BiH i Odlukom o uslovima i trajanju karantina za uvezene životinje uz odgovarajuće potvrde,
- f) steone junice moraju biti testirane na zarazne bolesti (bruceloza, leukoza i tuberkuloza) u skladu sa mjerama koje je propisao Ured za veterinarstvo BiH tokom trajanja karantina, i prilikom isporuke ka krajnjim korisnicima moraju imati valjane potvrde za to,
- g) junice moraju imati dokaz o pedigre-u kojim se utvrđuje mliječnost od min. 6.000-10.000 litara/laktacija,
- h) steone junice moraju posjedovati matični list (pasoš) sa urednim i tačnim podacima,
- i) sve ostale karakteristike koje moraju imati steone junice propisane su Zakonom o veterinarstvu u BiH.
- j) prilikom isporuke steone junice moraju imati ular (oprema za vezanje i vođenje stoke) prilagođen za sigurno i humano vezanje i vođenje životinja sa metalnom kopčom koja se okreće oko ose.

3. Priprema i dostavljanje ponuda

3.1. Ponuđači snose sve troškove vezane za pripremu i dostavljanje njihovih ponuda. Kupac nije odgovoran snositi niti jedan dio troškova pripreme i dostavljanja ponuda

3.2. Tehnički uslovi ponude

Prilikom pripreme ponude ponuđač se mora pridržavati uslova i teksta javnog poziva. Ponuđač ne smije mjenjati ili nadopunjavati tekst tenderske dokumentacije. Ponuda mora da čini cjelinu isprintanu na format papira A4. Cjelokupan sadržaj ponude mora biti uvezan na način da se onemogući naknadno vađenje ili umetanje sadržaja. Cijeli tekst koji sadrži ponuda mora biti jasan i vidljiv. Ponuđači su dužni dostaviti original dokumente ili kopije. Sve kopije dokumenata moraju biti ovjerene kod nadležnog organa uprave. Datum ovjere ne smije biti stariji od dana objavljivanja Javnog poziva za izbor najpovoljnijeg dobavljača steonih junica. Originalni dokumenti u sljedećem stavu pod oznakama g, h, i) ne smiju biti stariji od 3 mjeseca od dana predaje ponude na javni poziv, dok u slučaju dostavljanja ovjerene kopije datum ovjere kopije ne smije biti prije dana objavljivanja Javnog poziva. Sve stranice moraju biti numerisane na način da je vidljiv redni broj strane ili lista.

3.3. Sadržaj ponude

Ponuda koju dostavljaju ponuđači mora sadržavati najmanje:

- a) Porezni i identifikacijski broj poslovnog subjekta,
- b) Obrazac za prijavu na javni poziv,
- c) Obrazac za cijenu ponude,
- d) Pismena garancija o isporučenim steonim junicama,
- e) Rješenja o upisu u sudski registar ili aktuelni izvod iz sudskog registra ili drugi odgovarajući dokument iz kojeg je vidljivo da je registrovan za obavljanje tražene djelatnosti,
- f) Izjavu o podobnosti (pečat i potpis odgovornog lica),
- g) Potvrda da ponuđaču nije izrečena presuda za krivična djela i da se trenutno ne vodi sudski spor,
- h) Potvrda da ponuđač nije pod stečajem, niti je predmet stečajnog postupka,
- i) Potvrda da ponuđač nema obaveza prema poreskoj evidenciji i evidenciji indirektnih poreza,
- j) Dokaz o novčanoj solventnosti za realizaciju projekta,
- k) Bilans stanja, bilans uspjeha za 2024./2025. godinu,
- l) Dosadašnje reference u oblasti nabavke i isporuke steonih junica (za svaku referencu dokaz od prethodnih kupaca, koji sadrži podatke o količini isporučenih junica i vremenskom periodu kao i porijeklu junica),
- m) Izjava da ponuda važi za 2026. godinu,
- n) Dodatne pogodnosti koje nudi ponuđač,
- o) Potpisane i ovjerene Muslim Aid Association Politike.

3.4. Pismene ponude

Uz navedenu dokumentaciju korisnik mora priložiti ovjerenu pismenu garanciju (obrazac se nalazi u prilogu) u kojoj garantuje da će isporučene junice posjedovati sljedeće dokumente:

- a) Dokaz o osjemenjavanju junica i uvjerenje o gravidnosti izdat od strane nadležnog veterinara,
- b) Podatke o težini i starosti steonih junica,
- c) Podatke o pedigreu životinje,
- d) Matični list (pasoš) koji sadrži uredne i tačne podatke,
- e) Potvrda kojom se potvrđuje zdravstveno stanje životinja,
- f) Ostala dokumentacija obavezna Rješenjem o uvozu životinja,
- g) Mjesto i firma (veterinarska stanica) koja provodi karantin sa kontakt telefonom odgovorne osobe,

3.5. Dostavljanje ponuda

Ponuda se dostavlja u originalu. Koverta sa ponudom se dostavlja na adresu:

„Muslim Aid Association“

Koševo 10, 71000 Sarajevo, BiH

Sa naznakom „Ponuda za nabavku i isporuku steonih junica za 2026. godinu“

Na koverti mora biti naznačen naziv i adresa ponuđača ponude.

3.5. Izmjena i dopuna ponude

Ponuđači mogu izmjeniti ili dopuniti svoje ponude prije isteka roka za dostavljanjem ponuda. Izmjene i dopune se dostavljaju na isti način kao i osnovna ponuda sa obaveznom naznakom da se radi o izmjeni ili dopuni ponude. Ponuđač može u istom roku odustati od svoje ponude na način što će dostaviti pisanu izjavu o odustajanju na javnom pozivu.

3.6. Odredbe koje se odnose na grupu ponuđača

Grupa ponuđača je dva ili više privrednih subjekata, kao ponuđača, koji su dostavili zajedničku ponudu. Ponuda mora sadržavati podatke o svakom članu grupe ponuđača pojedinačno kako je navedeno u članu 3.3. Ponuda grupe ponuđača mora sadržavati podatke o tome koji član grupe ponuđača je nosilac ponude/predstavnik grupe ponuđača. Članovi grupe ponuđača su dužni u obliku pravnog akta dostaviti zajedničku ponudu koja mora sadržavati naziv nosioca ponude, odgovornost pojedinačno svakog člana iz zajedničke ponude i udio svakog člana u zajedničkoj ponudi. Ponuđač koji je samostalno podnio ponudu ne može biti član grupe ponuđača u istom postupku javne nabavke. Grupa ponuđača odgovara za svoje obaveze.

3.7. Rok za dostavljanje ponuda

Rok za dostavljanje ponuda je 23.03.2026. godine do 15:00 sati. Komisija za sprovođenje poziva za ponudu će sve prispjele ponude nakon isteka roka za dostavljanje ponuda provjeriti i analizirati, te obavijestiti sve učesnike koji dostave svoje ponude najkasnije do 27.03.2026. godine do 15:00 sati.

3.8. Kriterij dodjele ugovora

Ugovor o kupovini i isporuci steonih junica će biti dodjeljen ponuđaču koji zadovolji najoptimalniji odnos između ponuđene robe i cijene iste. Nakon analize svih dostavljenih ponuda kupac će običi, ukoliko bude potrebno, dobavljače, odnosno lokacije na kojima su dobavljači prethodno isporučili junice, i uvjeriti se u dostupnost i specifikaciju grla steonih

junica te analizirati svu prateću dokumentaciju koja je potrebna za steone junice a koja je navedena u tekstu javnog poziva.

Kriterij za odabir ponude biti će zasnovan na sljedećim parametrima:

- Kvalitet i sposobnost-60%
- Cijena-40%

Godine iskustva-max. 10 bodova:

- Više od 20 godina- 10 bodova,
- 15-19 godina-8 bodova,
- 10-14 godina-6 bodova,
- 5-10 godina-4 boda.
- 0-4 godine-1 bod.

Količina do sada isporučenih junica- max. 10 bodova:

- Više od 500 junica- 10 bodova,
- 400-499 junica- 8 bodova,
- 300-399 junica- 7 bodova,
- 200-299 junica -6 bodova,
- 100-199 junica- 5 bodova,
- 50- 99 junica- 3 bodova,
- Manje od 50- 1 bod.

Napomena: Dokaz o količini isporuke mogu biti reference kupca koje navode količinu ili kopije fakture ili ugovora iz kojh se jasno vidi količina isporučenih grla. Sve ostale stavke u istima moraju biti markirane (zatamnjene) kako bi se zaštitili podaci. Boduju se isporučene junice porijekla Njemačka.

Pedigre životnje (do sada isporučeni)-max. 20 bodova:

- Mliječnost 6.000-10.000 litara/laktacija – max 20 bodova

Napomena: Mliječnost grla se dokazuje dokumentima iz kojih je vidljiv pedigree roditelja(naročito majke) i genetskim izvještajima. Ponuđač dostavlja kopije dokumenata do sada isporučenih junica (dokaz pedigreea njihovih roditelja). Za svaki dostavljeni dokaz (grlo) dodjeliti će se 0,5 bodova (max. 20 bodova). Dokazi moraju imati povezanost (dobavljač-kupac) kao i sa dostavljenim grlima (junica-roditelj). Dostavljaju se dokazi koji imaju porijeklo Njemačka.

Broj referenci- max. 20 bodova:

- Jedna referenca-1 bod (do maksimalno 20 referenci)

Napomena: Jedna referenca odnosi se na jednu godinu isporuke prema krajnjem kupcu. Boduju se reference o isporuci steonih junica iz Njemačke.

Ponuđena cijena-max. 40 bodova:

- Bodovi= 40 x najniža ponuđena cijena/ponuđena cijena ponuđača

Ukupan broj bodova je 100. Muslim Aid Association zadržava pravo provjere gore navedenih i dostavljenih dokaza. Svi ponuđači biti će obaviješteni o ishodu njihove ponude putem e-maila. Sa ponuđačem koji u konačnici bude imao najveći broj bodova kupac će potpisati Ugovor za nabavku i isporuku steonih junica za 2026. godinu.

4. Realizacija projekta

4.1. Selekcija grla

Dobavljač je dužan da obezbijedi odlazak na selekciju junica u zemlju porijekla junica za predstavnike Muslim Aid-a i lokalnog veterinara. Odlazak će se realizovati prije svake kupovine junica za sve lokacije pojedinačno na kojima će se isporučivati junice (ukupno 3 selekcije junica) u prisustvo odabranog dobavljača. Dobavljač neće finansijski snositi troškove puta i ostalih troškova putovanja za članove Muslim Aid-a i lokalnih veterinara na projektu. Isporka junica vršiti će se u tri navrata, shodno dinamici projekta. Muslim Aid će obavijestiti dobavljača o planiranoj isporuci najkasnije mjesec dana prije isporuke. Dobavljač je dužan da prati epidemiološku situaciju vezanu za uvoz i prometovanje stokom u skladu sa smjernicama Ureda za veterinarstvo. U ovisnosti od epidemiološke situacije lokacije selekcije junica se mogu korigovati.

4.2. Plaćanje

Kupac će platiti 50% sredstava avansno prije isporuke junica a nakon selekcije i nakon što lokalni veterinar pregleda steone junice i nakon njihove isporuke prema krajnjim korisnicima, kupac će platiti preostalih 50% sredstava.

4.3. Količina grla

Muslim Aid Association zadržava pravo smanjenja ili povećanja broja steonih junica bez promjene jedinične cijene istih.

5. Završne odredbe

Javni poziv za odabir najpovoljnijeg dobavljača za nabavku i isporuku steonih junica za 2026. godinu provodi se shodno Muslim Aid Procedurama i pravilima nabavki, poštujući principe transparentnosti, etičkog poslovanja i odgovorne upotrebe sredstava.

PISMENA GARANCIJA O ISPORUČENIM STEONIM JUNICAMA**KUPAC:**

Muslim Aid Association
Koševo 10,
71 000 Sarajevo

PONUĐAČ:

(ovlašteni predstavnik grupe ponuđača)

Naziv: _____

Adresa: _____

JIB: _____

PDV: _____

Broj žiro računa: _____

Pod punom materijalnom, moralnom i krivičnom odgovornošću ja kao ponuđač za nabavku i isporuku steonih junica izjavljujem da ukoliko budem izabran na javnom pozivu za nabavku i isporuku steonih junica će grla koja isporučim imati sljedeće karakteristike i prateću dokumentaciju:

- ✓ Steone junice će biti pasmine Simental, porijeklo Njemačka,
- ✓ Steonost (bremenitost) steonih junica će biti između 5 i 7 mjeseci što će biti potvrđeno odgovarajućom potvrdom o osjemenjavanju i pregledu na steonost izdatom od strane nadležnog veterinara,
- ✓ Steone junice moraju biti minimalne tjelesne težine od 550 kg,
- ✓ Steone junice će imati dokaz o pedigre-u u kojem se navodi mliječnost (6.000-10.000 litara/laktacija),
- ✓ Steone junice će biti starosti do maksimalno 26 mjeseci i osjemenjene sa najmanje 14 mjeseci starosti,
- ✓ steone junice će imati karantinski nadzor propisan Zakonom o veterinarstvu u BiH i Odlukom o uslovima i trajanju karantina za uvezene životinje uz odgovarajuće potvrde,
- ✓ steone junice će biti testirane na zarazne bolesti (bruceloza, leukoza i tuberkuloza) u skladu sa mjerama koje je propisao Ured za veterinarstvo BiH tokom trajanja karantina, i prilikom isporuke ka krajnjim korisnicima moraju imati valjane potvrde za to,
- ✓ junice će imati dokaz o pedigre-u kojim se utvrđuje mliječnost od min. 6.000-10.000 litara/laktacija,
- ✓ steone junice će posjedovati matični list (pasoš) sa urednim i tačnim podacima,
- ✓ prilikom isporuke steone junice će imati ular (oprema za vezanje i vođenje stoke) prilagođen za sigurno i humano vezanje i vođenje životinja sa metalnom kopčom koja se okreće oko ose.
- ✓ Uz navedeno dostavljeno će biti i mjesto i firma(veterinarska stanica) koja provodi karantin sa kontakt telefonom odgovorne osobe,

Izjavu dao:

M.P.

Datum:

Format prijave ponuđača

Osnovni kriterij

Da biste se kvalificirali kao dobavljač, morate biti u mogućnosti odgovoriti "Da" na sve osnovne kriterije. Nakon što prođete osnovne kriterije dobit ćete ocjenu prema kriterijima sposobnosti i komercijalnosti.

Osnovna pravila i uslovi prijavljivanja			
1	Ponuđač se slaže sa pravilima Muslim Aid-a (navedenima u nastavku). Ponuđač je dužan osigurati da osoblje i podizvođači za vrijeme trajanja ugovora poštuju obavezne pravilnike Muslim Aid-a: • Muslim Aid Association globalna politika zaštite, • Muslim Aid Association politika protiv pranja novca i antiteroristička politika finansiranja, • Muslim Aid Association politika borbe protiv mita i korupcije, • Muslim Aid Association politika borbe protiv prevara • Muslim Aid Association Odredbe i uslovi nabavki	Da / Ne	Primjedbe
Poslovna podobnost			
1	Ponuđač junica je registrovano zakonito poduzeće ili registrirano za trgovanje i plaćanje poreza prema potrebi i za to nudi kopije relevantnih potvrda.	Da / Ne	Molimo detalje
2	Ponuđač junica osigurava da nije direktno ili indirektno uključen u terorizam ili finansiranje terorizma ili da ima bilo kakve poslovne odnose s oružanim grupama ili vladama u bilo koje svrhe povezane s ratom.	Da / Ne	Molimo detalje
3	Ponuđač junica se obavezuje da će isporučiti junice na adrese korisnika najkasnije 40 dana od dana isporučivanja Narudžbenice od strane MAA.	Da / Ne	Molimo detalje
4	Ponuđač će ponuditi garanciju na kvalitet isporučenih junica i dužan je u roku od 10 dana nakon isporuke ukoliko dođe do problema koje nisu uzrokovane nebrigom korisnika junicu zamjeniti novom. Muslim Aid će sa lokalnim veterinarom obići sve donirane junice u gore navedenom periodu i konstatovati steonost, zdravstveno	Da / Ne	Molimo detalje

	stanje i opću sliku dodjeljenih grla. U slučaju odstupanja ponuđač je dužan postupiti prema gore navedenom.		
5	Ponuđač izjavljuje da nije na državnoj crnoj listi ili listi sankcija	Da / Ne	Molimo detalje

Opći podaci o ponuđaču:

1. Opće informacije

Naziv preduzeća:		
Ime kontakt osobe:		
Telefon:	Fax:	
Email:	Matična kompanije (ukoliko postoji):	
Glavna adresa:	Registrovana adresa:	Adresa plaćanja
Registracijski broj:	Porezni broj:	
Pravni status (jedini vlasnik/partnerstvo/kompanija)		
Godina registracije:	Godišnji promet:	

2. Molimo navedite detalje o tipu vaše kompanije (proizvođač, distributer, izvođač radova itd.)

--

3. Molimo navedite detalje o osnovnim proizvodima/uslugama kompanije.

--

4. Navedite svoje zaposlenike koji bi bili uključeni u nabavku junica, tj. dokaz o ljudskim resursima i potrebnom kapacitetu. Jedan zaposlenik trebao bi biti ključna kontakt osoba za Muslim Aid Association: (dodati redove ako imate potrebu)

Ime i prezime	Pozicija	Uloga za Muslim Aid Association	Broj telefona	Email adresa

Kriterij sposobnosti obavljanja posla

Sva navedena pitanja treba prilagoditi, prema potrebi u skladu s kriterijima sposobnosti, navedenim u pozivu na javni poziv

Kriterij	Odgovor ponuđača	
Kvalitet		
Ponuđač potvrđuje da može ispuniti zahtjeve (Tehničke specifikacije) navedene u javnom pozivu.	Da ili Ne	Molimo detalje
Ponuđač potvrđuje da ispunjava sve kriterijume ovoga javnog poziva?	Da ili Ne	Molimo detalje
Ponuđač je spreman pružiti detaljan opis aktivnosti u slučaju reklamacija i žalbe na isporučene junice ukoliko u garantnom periodu dođe do njih.	Da ili Ne	Molimo detalje
Ponuđač potvrđuje da će dostaviti kontakte prethodnih klijenata.	Da ili Ne	Molimo detalje

Ponudjač potvrđuje da će dostaviti potvrdu o izmirenju poreza u 2024./2025. godini i izvode iz banke u posljednje dvije godine.	Da ili Ne	Molimo detalje
Ponudjač može osigurati dvije kopije ugovora ili radnog naloga koji mogu upućivati na rad u sličnom / relevantnom području s nevladinim organizacijama.	Da ili Ne	Molimo detalje
Ponudjač će dostaviti detaljnu cijenu po stavkama sa PDV-om, te će dostaviti pisanu potvrdu da će prihvatiti odredbe i uslove radova.	Da ili Ne	Molimo detalje

Kapacitet ponudjača

- Detalji o usluzi koju namjeravate isporučiti s bilo kojim varijacijama/napomenama specifikacije ukoliko se usluga razlikuje.

Usluga	Prema specifikaciji?	Navedite sve napomene vezane za specifikacije
	Da / Ne	

- Broj godina relevantnog iskustva u pružanju sličnih usluga?

- Koliko brzo možete isporučiti steone junice nakon što Vam se ispostavi Narudžbenica (broj dana)?

- Da li ste do sada imali reklamacija na isporučene junice, koliko i koje su bile?

- Da li ste isporučivali steone junice na području cijele Bosne i Hercegovine. Navedite dijelove gdje ste isporučivali?

6. Detalji o svim pogodnostima ili dodatnim uslugama koje vaše preduzeće može ponuditi Muslim Aid Association u sklopu ugovora:

--

7. Molimo navedite detalje o najmanje dva vaša klijenta kojima se Muslim Aid Association može obratiti (po mogućnosti nevladine organizacije-ukoliko je potrebno proširite tabelu):

Organizacija/preduzeće	Kontakt	Telefon	E-mail adresa	Detalji o kontaktu

Finansijska ponuda (Cijena)

1. Navedite cijenu jedne steone junice u BAM prema gore navedenoj specifikaciji uključujući PDV, karantinski nadzor, potrebnu dokumentaciju i isporuku na adresama korisnika:

2. Navedite cijenu četrdesetosam (48) junica u BAM prema gore navedenoj specifikaciji uključujući PDV, karantinski nadzor, potrebnu dokumentaciju i isporuku na adresama korisnika:

Potvrda ponuđaču o poštivanju procedura

Mi, kao ponuđač, ovime potvrđujemo naše slaganje sa sljedećim:

- Tražene specifikacije
- Uslovi javnog poziva
- Muslim Aid Association uslovi i odredbe nabavki,
- Muslim Aid Association globalna politika zaštite,
- Muslim Aid Association politika protiv pranja novca i antiteroristička politika finansiranja,
- Muslim Aid Association politika borbe protiv mita i korupcije,
- Muslim Aid Association politika borbe protiv prevara.

Sljedeći dokumenti i predmeti uključeni su u našu ponudu:

- Opći podaci o ponuđaču,
- Kriterij sposobnosti obavljanja posla,
- Kapacitet ponuđača,
- Cjenovni prijedlog ponuđača,
- Potpisane i ovjerene Muslim Aid Association Politike

Potvrđujemo da Muslim Aid Association može razmotriti našu ponudu i garantujemo za ovdje date izjave.

Prihvatanje od strane ponuđača:

.....

Potpis

.....

Ime

.....

Pozicija na poslu

.....

Kompanija

.....

Datum